



21937

III

Mag. St. Dr.

P

*ssima Trinitate.*


*Flachetka Stanisłai: Philantropion literarium*

PANEG. et VITAE

Polon. Fol.

*Nr. 933.*







# PHILANTROPION L I T E R A R I V M

Q V O D

Mag no Hospiti, Sapientissimo Diuinæ Theologiæ  
P R O F E S S O R I,

*Religiosissimo, Reuerendiſſ: ac Magnorum meritorum Patri*

## P. F. P H I L I P P O

A

S A N C T I S S I M A T R I N I T A T E,

*Totius Sacræ Carmelitarum Discalceatorum Religionis*

### P R Æ P O S I T O G E N E R A L I.

Sancti Montis Carmeli Priori Dignissimo, Sacræ  
Congregationis Indicis Consultori Meri-  
tissimo, &c.

*In Primo, & auspicato ad Urbem Cracouiensem Regni  
Poloniæ Principem aduentu*



S V B V E R N A L E S F E R I A S

M. S T A N I S L A V S S L A C H E T K A;  
Leopolieñ: Philosophiæ Doctor, Collega Maior, in Alma Academia  
Cracouiē: Regius, ac interea Ordinarius Græcarum Literarum  
Professor, ad S. Annam Canonicus obseruantia &  
boni ominis ergò

O B T V L I T.

*Anno Hospitis inter Homines Dei Hominis. Cyclo Solis XIV.  
Cyclo Lune XXIV. Indictione Romanâ IV. Mense Iunio, Die. 14.*

---

C R A C O V I Æ,  
In Officina Hæredum Francisci Cæzary, S. R. M. Typographi,  
Anno Dñi, 1666.

W.



FN

Perantiquum Sacrae Religionis  
CARMELITANÆ  
STEMMA.



21.937 III

Quid notat hæc armata manus mucrone minaci?  
Contra quos hostes feruida bella ciet?  
Hæc Sacra Religio compresserat Hæresis Hydras,  
Viribus Eliæ, Pneumate, & ore potens.  
Quid soboles stellata poli splendore coruscans?  
Doctos nonne Viros, & pietate graues.  
Quid Diadema tribus cum stellis, & cruce signat?  
Præsidium fidei, Pontificumque decus.  
Felix Carmelus cui præsidet ipse PHILIPPVS,  
Et Pater est natis, dulce iubarque Sophis.



REVERENDISSIMO PATRI  
F. PHILIPPO  
A SANCTISSIMA  
TRINITATE,

FF. Carmelitarum Discalceatorum Congregatio-  
nis S. ELIÆ PRÆPOSITO GENERALI,  
Priori Sacri Montis Carmeli, literarum, & literatorum  
Amantissimo, Viro verè Apostolico.

*Omnem salutem, & perpetuam felicitatem à Domino precatur*

M. STANISLAVS SLACHETKA, Regius in Alma Academia Cracoviensi  
Iagielloniana Professor, & S. ANNÆ Canonicus.

**I**N tanto letitie, & hilaritatis applausu, quo uni-  
uersi in Polonia, Lithuania, & Russia, Religiosorum Con-  
uentus, in Tuo optatissimo aduentu exultare videntur, nec  
me quoque Professore, qui à Serenissimo, & Inuietissimo  
D. Vladislao Iagiellone Rege Poloniae, & Magno Lithua-  
niae Duce erectum Archilyceum incolo, Pythagoreum, aut  
Arcopagiticum obseruare silentium decebat Reuerendissime Præposite Gene-  
ralis. Nam si quondam Rex Syracusanus in aduentu bellicosissimi Athenien-  
sium Ducis, etiam per somnum non sine gestientis animi letitiâ, & voluptate  
exclamauit: Themistoclem habeo Atheniensem. Quis non iure merito luce  
hodiernâ omnibus Philomusis vehementius latandum esse non asseret? cum iam  
non Ducem, aut Principem aliquem extraneum, verum Clarissimi Ordinis  
Carmelitani Primicerium, alterum Moysen, humanæ, & Diuinæ Sapientiæ  
oraculum, eruditorum delictum, suâ præsentia ipso sole suauiori nos mirificè re-  
ficere, & recreare aduertimus. Cuius quidem letitiæ vel inde luculenta col-  
legeram argumenta, dum vniuersis ad veram, solidamq; properantibus sapien-  
tiam, Isthmum Philosophiæ perfoderis, angustias eius, quibus cognitio naturæ  
hucusq; claudebatur, aperueris, Proteum (veritatem inquam) densissimis cir-  
cumfusum errorum umbris, multiplici rerum imagine obiectantem fallaciarum  
nubila, redditum suæ figuræ, tanquam alter Eurysteus comprehenderis, atque  
intimis occlusa penetralibus Diuinæ scientiæ Theologiæ mysteria, felicissimi  
Ingenij Tui ductu referaris. Sic Reuerendissima Paternitas expleuit perfe-  
ctissime optimi & laboriosissimi Professoris numeros, in se vno absolutissimum



benè docendi, & discendi ad artem effinxit exemplar, quando omnia cum  
methodo ( quæ faciliè breui & docet, infirmam iuuat memoriam, ac obscura  
illustrat ) confecit rebus intellectui accommodata. Habet hanc sibi felici-  
tatis concessam præsentiam Sacra Religio Familiae Carmelitana, ut quoties  
publicæ exhibeat ut præclara erudita mentis opera, doctrina D. Thomæ Do-  
ctoris Angelici conformia, toties dissolutis perplexis ingentium difficultatum  
nodis, plusquam Gordijs, clarissima veritatis arcana ostendet. Hanc ergo am-  
plissimam mihi, Musisq; nostris Iazielonicis mansuetioribus, aduentus Tuus at-  
tulit segrem & materiam gestiendi, simulq; omnes eruditorum virorum exci-  
tauit ordines, ut debitum indefessæ Virtuti Tuae, omnigenæ Eruditioni, & su-  
premo in Religione Sacra Honori, venerationis, & gratitudinis exsoluerent tri-  
butum. Parthorum nemini licebat, Reges suos, Principes, Duces, & Heroes  
de Repub. benè meritos salutare, quin aliquod munusculum, propensi animi sym-  
bolum ijs simul offerrent. Hinc illa celebris floruerat Calabrorum consuetudo,  
ut si quos hospites, & rerum gestarum gloriâ conspicuos viros intra sua recepif-  
sent tecta, ijs hospitalitatis, & humanitatis officia exhibentes, exquisita conuiuia,  
& magnifica apophoreta dedicarent. Nec ego alienus sum ab hac consuetudine,  
instruxi non symposia, nec lautissima apparauì fercula, in Tuo felici fortuna-  
toq; aduentu, sed multò præstantiora, & delicatiora, quæ Tuo excellenti animo,  
magno in corpore Hospiti apprimè sapient, & animæ facultatem satiabunt.  
Habet enim ingenium sua nutrimenta, & mens benè composita cibo quoq; dele-  
ctatur sed subtili, & eo solum, qui à crasso misera plebecula gustu remouetur.  
Non alia ergo elaborauì fercula, quàm virtutum Tuarum amplissimarum, ma-  
gnorum meritorum, & negotiorum præclare gestorum, quibus in supremo Apo-  
stolici muneris, & Carmelitici Honoris culmine constitutus, ad stuporem alia-  
rum Sanctissimarum Familiarum inclarescis, Compendiarium Panegyricum, non  
Magnifico, sed tenui rerum, & verborum apparatu lemniscatum. Suscipies igitur  
Reuerendissime PRÆPOSITE GENERALIS tantò gratius, &  
alacrius hanc exilem, & intra temporis angustias concinnatam Lucubratiuncu-  
lam meam, quantò clariùs cognosces, omnes Doctores & Professores Studij Gene-  
ralis Almae Vniuersitatis Cracouiensis Sanctissimo Ordini Tuo verè, & summè  
esse amicos. Quotquot intueri licebit ingenia, siue in laboriosa Stoa, aut Sta-  
gyritea Peripatu, siue in Augustissima Theologica Palæstra Doctoris Angelici, ea  
esse Academica agnoscet, quorum alij, Philosophiæ Baccalaurei, alij Artium Li-  
beralium Magistri, & Philosophiæ Doctores creati, ac Professores facti, alij pu-  
rissimæ institutionis Academicae Studiosi, florentissimam hanc S. Eliæ incolunt  
Congregationem. Gaudet Ordo Fratrum Minorum S. Francisci de Obseruan-  
tia, quod prima suæ institutionis fundamenta Cracouia, Duce & Auspice Bea-  
to Capistrano non aliunde eduxerit, quàm experueto, & ornatissimo auitæ  
Pietatis, & Scientiarum Prytaneo Vniuersitate Cracouiensi: ita clarissimus Or-  
do PP. Carmelitarum Discalceatorum ad prima suæ foundationis auspicia, Al-  
mam Academiam Cracouiensem semper benignam, & candidam experta est  
Fautricem. Mea quoque dulcissima Patria Leontopolis, vrbs antiquissima,  
Ducum



Ducum *Russiae Metropolis Nobilissima, Catholica obseruantissima fidei, manibus, & turribus, tanquam minantibus in calum Pharis ornata, vallis & fossis munita, duplici instructa Arce, insignibus Summi Pontificis Sixti V. Leone, stellâ, & tribus monticulis condecorata, sicut multos ad Sacrum transmisit Carmelum filios: ita quoque Auunculum meum, Patrem Fratrem Anselmum de Sancta Religione optimè meritum suscepit, aluit, fouit, & vitâ fundum, ad monumenta Patrum suorum Præmisliæ recepit. Superi Calites Reuerendissima Paternitati Vestra diuturnos ordinent annos, ad ornamentum Religionis Sanctæ Carmelitanae, & ad subsidium rei literariæ feliciter promouendum, mentem verò multiplici negotiorum mole defessam nectare, & ambrosiâ Diuinæ voluptatis reficiant, ex animo opto, & apprecor.*

Quod autem candidus ex intimo cordis sensu, & pleno Tuæ prosperitatis sitientissimi pectoris voto deprompsit affectus, perlege expressum, ac indubitatum luculenti mei studij, & propensionis argumentum.

**O** Stirps ELIÆ, virtutis lumen auita,  
 Dulce decus Phœbi; Fratrum pulcherrima gemma,  
 Candoris niuei iubar, ingenuiq; pudoris  
 Suauiter effulgens flos, & pietatis imago,  
 Clarorum studijs nitor, atq; volupta Sophorum.  
 Te sequitur Themis alma boni, iustiq; Magistra,  
 Prudens Consus adest, & præditus ore diserto  
 Hermes, eloquij dulces tibi porrigit Hyblas,  
 Gratia cum Suada, geminisq; sororibus amplum  
 Suggestit charientismum, tribuitq; suauem  
 Morum temperiem pulchrâ grauitate decoram,  
 Insuper incoxit generoso pectus honesto,  
 Arcanosq; sinus mentis, sanctosq; recessus  
 Dotibus eximijs insigniter auxit, amorem  
 Conciliauit apud doctos, penitusq; beauit.  
 Ipsa coronatrix operum pulcherrima virtus  
 Ad sublime viam strauit Tibi culmen honoris,  
 Ostenditq; modos, quibus arcis adire penates  
 Gemmatos valeas, quos incolit inclyta Fama,  
 Et redimita caput viridanti Gloria lauro.  
 I bone, quod felix genius trahit, i pede fausto,  
 Fratribus ornamenta Tuis laturus opima,  
 Formosos sine nube dies age lætus, & amplis,  
 Muneribus splendesce diu cumulatus honorum.

B Reuerendissimæ Paternitatis Vestræ,  
 perpetuò obseruandissimus

M. STANISLAVS SLACHETKA, Profess. &c.




7 N  
 Natalitium Reuerendissimi Patris  
**PRÆPOSITI GENERALIS**  
**I N S I G N E.**



Cur globus igniuomus patulâ splendescit in æthra?  
 Nec petit ima loci præ gravitate suâ.  
 Fors aqua non proprium centrum, fors frigus acerbum  
 Intercludit iter, mutua bella mouens.  
 Sic Tuus alta globus doctrinæ prendit vbique,  
 Luce Tui genij Docte PHILIPPE nitet.  
 Applausus hominum, velut vndas horret, & odit,  
 Virtutis solium non putat esse solum.  
 Nunc sublime iugum Carmeli possidet ardens  
 Is globus, & gelidas desuper vrit aquas.  
 Fluxit at vnde ignis vis tanta? Prometheos ignes  
 ELIÆ cedunt, huncq; PHILIPPVS habet.





B 2

du me



dum Te vnum præ multis negotiorum suorum satis robustum animo Atlantem decernebat. Oblatum honorem in Comitibus Generalibus Die Festo D. Marci Euangelistæ, Regina Urbium Vrbs Amplissima Roma Reu: Paternitati gratulabatur, confertissima tunc virorum literatissimorum occurrebat multitudo, elaborato, & instructo verborum apparatu deprædicabat in Theſibus, quâ Philosophicis, quâ Theologicis decora, & non sine iucunditatis sensu, ob ipsam præsentiam applaudebat. Prouinciæ verò Amplissimæ, Tuæ subiectæ potestati, & muneri Apostolico, vt optimo Parenti propensissimum affectum, vt Hospiti optatissimo humanitatis officia, vt Sapientissimo, & Meritissimo Magistro gratitudinem, vt Principi in Religione Carmelitana clarissimo omnem subiectionem, tanquam signum vectigalis obseruantia deferrebant. Dabis quoq; veniam Reu: P R Æ P O S I T E G E N E R A L I S, si in aduentu fortunato, vastissimo laudum, & virtutum Tuarum Oceano, pauculas meæ facundia guttulas, ex Tulliana delibatas Hippocrene, honoris, & gratulationis ergò affudero. Quidquid enim encomiorum ad solennem aduentus Tui celebritatem, & celebrem solennitatem comparavi, illud est exile, & tenue, quas vndiq; corraſi eloquentiæ gazas, prorsus inanes, quæ accendi verborum lumina, nubila, quæcunq; eruditionum collegi pigmenta vmbraſe eſſe arbitreris. Ergo quando nullum Amplitudini, ac virtutibus Tuis par in terra adinuenire valeam ornamentum, non Dædaleis excitus pennis, sed Tuâ erectus humanitate, nouam iam è cælo Carmelitano ad eximium præſentiaſe splendorem, traham claritatem, quando summa Vitæ Tuæ Actiua, & Contemplatiua decora breuiter attingam. Faue Reu: G E N E R A L I S, vt si quæ inculta, aut minùs magnifica attulero, id potiùs meæ in dicendo imbecillitati, quàm virtutum Magnitudini, quæ Nestoream requirit dicendi suauitatem, tribuendum putet.

**N**ON hîc Prometheus furtiuos ignes cælo detrahentem imitabor, more solertissimorum cæli interpretum, auspicatissimū natiui, decoris sydus, non per opticum speculum, sed ipsis luminibus auidissimè intuebor Reu: G E N E R A L I S. Licebit inde fortunata deducere omina, licebit felicitatis non bracteata colligere indicia, & quid ista Natalitia fax portendat Orbi Carmelitano, aut denuntiare, aut culto calamo ad seram posteritatis memoriam depingere.



gere. Hoc certè extra omnem dubitationis aleam est, vitam vniuf-  
-cuiusq; hominis in tres diuisam esse partes, quarum prima Practica,  
propriè humana est, ex quo homo in se continet intelligendi, & a-  
gendi principia. Altera Speculatiua, verè Angelica, quæ oculos hu-  
manos in cænū vanitatis mundanæ infossos, sensim attollit, & ab-  
stergit, vt propiùs intueri, & res cælestes, Diuinasq; cognitione di-  
gnissimas valeat contemplari. Tertia Voluptaria, eaq; belluis com-  
munis, quam ij omnes ducunt, qui se breuib; voluptatum oble-  
ctamenti immergunt. Duo pulcherrima vitæ tam actiuæ huma-  
næ, quàm contemplatiuæ Angelicæ elucescunt in Te ornamenta:  
si primam euoluamus, facili cognoscemus negotio, Natalitium tuū  
solum in Gallia propè Grignanum Illustrissimæ familiæ Adheyma-  
ris Castrum, tantum conciliasse decus, vt è Paterno, Maternoq; ge-  
nere clarissimæ dimanent luces, quas neque labentium vetustas an-  
norum exstinguet, neque aduersæ fortunæ vicissitudo, Cimmerijs  
obliuionis nubibus obscurabit. Possem ego ad nominis Tui cele-  
britatem, natalium splendorem magnificā laudum apotheosi con-  
decorare, possem Maiorum Tuorum, quorum inextincta eximiorū  
facinorum apud posteros manet gloria, amplitudinem luculentis  
consignare monumentis, sed ne modestiæ Tuæ fastidienti humana  
encomia, ruborem adspergam, prurientem in laudes calamum  
continebo. Pulchrum est fumosas auorum ostentare ceras & ima-  
gines, longè pulchrius, & honorificentius proprijs inclarescere me-  
ritis, ast pulcherrimum in ijs extollendis Harpocraticam tacitur-  
nitatem obseruare. Verè Te fortunatum appellabo Reu. G E N E-  
R A L I S, dum postpositis blandimentis domesticis, ætati floridæ  
summè perniciosis, conculcata ea vitâ, quæ vanas & pænitendas  
suggerit voluptates, abiectis Maiorum ceris, quæ insolentem red-  
dunt mentem, protinùs in mundo immundo Paradisum, eiusq; de-  
licias inquirebas. Spectauit propitium cælum Tuam propensio-  
nem, sanctum propositum, ardens Deum colendi desiderium, mox  
Diuinæ benignitatis & gratiæ serenus menti illuxit radius, atq; Tibi  
ad sanctum, pulcherrimum, & florentissimum Carmeli Paradisum  
viam demonstrauit. Sic natalitius Tuus globus ardentissimo S. Eliæ  
irradiatus igne, feliciter turbidas mundi aquas transgressus ama-  
râ voluptate vndantes, in altissimo sacri Montis Carmeli culmi-  
ne, tanquam in auge conqueiuit. O diem albo signandum calculo,



quo è periculoso mundi falò enatigasti, & exoptatum votorum Tuorum attigisti portum, ò annum Reparatae salutis 1620 verè fortunatum, quo innocentiam, velut alter Iason aureum vellus rapiendo in Religione Carmelitana Deo consecrasti, & debellato animorum hoste domestico, qui blandiendo suffocat, & lactando inficit, tanquam alter Hercules sopito Dracone aureum ex hortis Hesperidum pomum, intaminatum virtutis Tuae decus è patrijs penatibus extulisti. Et quia homini Religioso viridem disciplinæ obseruantiam retinenti, nihil magis noxium possit esse, quàm turpe otium. Nam illud est, in quo ingenium contrahit senium, & non modò corporib⁹, verum etiam animis quendam torporem conciliat. Vnde præclarū satis effatum canæ eloquentiæ senex D. Hieronymus nobis reliquit, dum inquit: *Nihil in sancto proposito otio deterius est, quod non solum modo non acquirit bona, sed etiam peracta consumit, sanctæ vitæ ratio processu gaudet, & crescit, cessatione torpescit, ac deficit: quotidianis ac recentibus virtutum incrementis in stauranda mens est, & viuendi hoc iter, non de transacto, sed de reliquo metiendum.* Exercendus fuit animus, & reconditioribus excolendus scientijs, vt rubigo pereat, & splendor à longo vsu inducatur, sic Anno 1623. Philosophiæ & Theologiæ addictus, inuigilabas ijsdem, vt omnes stuperent acres ingenij motus, ad penetranda quæq; arcana accommodatos, incredibilem sedulitatem, indefessum cum profectu studium. Contulisti Te Luteriam Parisiorum Nobilem & celebrem totius Galliæ Metropolim, & copiosam, atq; eruditissimis hominib⁹, liberalissimiq; studijs affluentem, ibidemq; peritissimos nactus Magistros, acerrimos doctrinæ Thomisticæ propugnatores, prosperè arduum studiū decurristi. Spectauit inter Vrbes Phœnix Roma bonarum artium ac disciplinarum plena, felices Tuos conatus & progressus, indubitatam concepit spem, Te futurum Urbis & Orbis ornamentum, Ecclesiæ, & Familiæ Carmeliticæ lumen, Philosophorum & Theologorum delictum, malleum Hæreticorum, atq; barbararum gentium lucidissimam Pharum. Viderant SS. Patres Ordinis Tui Antistites in primo ætatis flore eximiā ingenij indolem, & morum comitatem, perspexerant præclaras Diuinæ benedictionis dotes, in Religionis officijs obeundis alacritatem, & exporrectam frontem, atque in dissoluendis abstrusis scientiarum difficultatibus incredibilem facilitatem, mox Te ad exedram inuitârunt. Aemulatus es

Reueren-



Reuerendissime G E N E R A L I S Pellæum iuuenem M. illum  
 A L E X A N D R V M, qui iniquo tulit animo P H I L I P P V M  
 omnia feliciter expedire, & nihil sibi relinquere; vbi virtus sua excur-  
 rere, & cognosci valeret: ita Generosus Tuus genius indignè tulit, si  
 à profundæ eruditionis studio, & scientiarum cursu auocaretur. Vlt-  
 tra communia studiorum exercitia, confecisti 7. annos continuò in  
 voluendis, & reuoluendis D. Thomæ Doctoris Angelici volumini-  
 bus, ad illius vitam, & scientiam, tanquam ad lucidissimam Cyno-  
 suram, & Helicen sensus, mentem, & cogitationes conuertisti, &  
 dubios direxisti cursus. Neque hîc indefessa virtus sibi præfixerat  
 cancellos, transtulit se ad remotissimas terras sole peregrino calen-  
 tes, adiit Anno 1629. Persidem, & Indias Orientales, & in eo extremo  
 orbe, vitæ actiuæ, prædicando, & docendo luculenta exhibuit mo-  
 numenta. Hic iam vastissimus aperitur campus, ad deprædicanda  
 heroica Tua facinora, quæ incurrunt non solum in oculos gentium  
 immanitate efferatarû, sed etiam in voces omniû Tuæ virtuti velifi-  
 cantiû. Ardentissimus Eliæ Spiritus in Te emicuit, & stimulauit, vt  
 puluerulentâ arripere viâ, & discussis ignoratiæ tenebris, clarissimâ  
 veritatis lucem barbaris inferres. Non pepercisti incolumitati  
 Tuæ, omneq; molestiarum, & incommodorum genus ita viriliter  
 aggressus es, vt nec niuium, & hyemis asperitate abstrahi, nec solis  
 inclementia, atq; ardore à periculosissimis, remotissimisq; itineribus  
 auocari, nec maris æstuantis procellis deterreri vnquam potueris.  
 Gloriosior es Hercule, ille ad Gades ferreas collocavit columnas,  
 Tu in orbis stadio plus vltra progressus es, ille terminum laborum, &  
 itinerum inuenit, Tu in mari, in nubibus, in nocte ipsa, extra syde-  
 rum conspectus, extra limites naturæ vixisti, nec vllam propagan-  
 dæ fidei metam esse voluisti, illius 12. labores recensentur, Tuorum  
 immensus, infinitusq; est cumulus, ille securus immensos penetrauit  
 maris tractus, Tu in mari, & Euphrate fluuio rapidissimo adductus  
 in extremum discrimen, saluus euasisti symphlegadas. Nemo in-  
 superabiles locorû transitus, nemo terræ situs, vastitates, & solitudi-  
 nes, nemo consuetudines maris, ac vices, nemo fluminum profun-  
 ditates, montium altitudines tam perspectas habuit, atq; Tua ani-  
 mi magnitudo, & exulta magno literarum vsu & peritiâ rerum no-  
 scendarum sapientia, ac prudentia. Non commemorabo, quos in  
 Indijs Orientalibus suscepisti labores pro sapientia, non adducam



quomodo abstrusam tam in Philosophia, quàm in Theologia veritatem sagaciter peruestigasti, inuoluam silentio, quâ contentione animi, solidas diebus noctes continuaſti in contemplatione altissimarum causarum, paucis multa, ad splendidissimam sapientiæ lucem semper excubabas. Exacto secundo & decimo anno, reuersus ex Indijs Orientalibus, nō quieti reficiendatū causā virium concessæ, non remissioni, aut amœnitati, à quibus meliores & aciores resurgunt animi, tempus impendisti. Et sicut palma quantò grandiori premitur pondere, tantò altius assurgit ad corollas: ita genius Tuus quò magis frangitur laboribus, eò est alacrior, & super omnia erigitur. Disputationes doctrinā Doctoris Angelici, & discipulorum eius refertas, atque methodicè concinnatas, publico Philomusorum exhibuisti vsui. Prodiit Summa Philosophica ex mira Principis Philosophorum Aristotelis, & Doctoris Angelici D. Thomæ doctrina, iuxta legitimam scholæ Thomisticæ intelligentiam composita, quam Lucubrationem in illa Vrbe Goana, Indiarum Orientalium Metropoli confectam, Augusto nomini Illustrissimi Principis Francisci Adheyman Du Monteil, de Grignan S. Ecclesiæ Arelatensis Archiepiscopi, & Primatis, Abbatis De Ayguebelie, Regis à Sanctioribus Consilijs transcripsisti. Editum est in lucem opus Theologicū in tres distributum partes, in Prima tractatus de Deo vno, ac Diuinis Attributis: Secundus de Deo Trino: Tertius de Dei Creatoris primario effectu s. de Angelis. In prima secundæ de vltimo fine, & actibus humanis, de virtutibus, vitijs, & peccatis in communi, & de Gratia. In secunda Secundæ de virtutibus Theologicis, de Iustitia & Iure, & de Religione: in tertia, de Incarnatione, de Sacramentis in genere, de Eucharistia: & de Pœnitentia. Itinerarium verò Orientale, opusculum 10. libris comprehensum, quod Eminentissimo & Reuerendissimo D. D. ALEXANDRO S. R. E. Tituli S. Sabinæ Presbytero Cardinali BICHIO obtulisti, magnam legentib⁹ adfert voluptatem, in eo aperuisti Orientis Regiones, earum montes, maria, & flumina, Principū mores, & gesta, Incolarum Christianorum, & Populorum Infidelium consuetudines exposuisti. Quidquid Christophorus Columbus Primus Indiarum Inuentor detexit, & eum secuti Americus Vesputius, Magellanus, Dracus, Candifchius del Nort. aliquos aperuerunt angulos, hos Tu accessisti, lustraſti. Venit in manus Doctorum Liber Tuus insignis, quem Eminentif-

fimo D.



si n o D. D. Antonio S. R. E. Cardinali Barberino dedicasti Diuinū  
Oia culum S. Cyrillo Carmelitæ Constantinopolitano solenni lega-  
tion e Angeli missū, in eo sublimia arcana penetraſti. Reliqua eruditæ  
mentis Tuæ monumenta possem copiosa deducere dictione, sed  
angustiæ chartæ non permittunt, hîc sistam, nec longius in ijs ex-  
cutiendis progrediar, erit enim alius recensendi Lucubrationes Tuas  
locus. Mitto Theologiam Myſticam, Chronologiam Mundi, Chro-  
nica Religionis Carmelitanae, de Antiquitate Religionis Carmelita-  
nae, Vitas SS. Patrum Ordinis Carmelitici, Historiam Venerabilis  
Patris Dominici à I E S V M A R I A, aliaq; insignia opera, quæ  
Nomini Tuo æternitatem comparabunt. Dicam quod sentio, &  
quod ipsa iubet veritas ( nec enim luminibus encomiorum indiges,  
vt conspiciaris, qui Tua satis es conspicuus luce. ) *Ambulans Bi-*  
*bliotheca es.* Venio iam ad succinctam Narrationem vitæ Tuæ Spe-  
culatiuæ, quæ principaliter consistit in contemplatione Diuinæ ve-  
ritatis, hanc arctissimo constrinxisti vinculo cum Actiua. Quis pro  
dignitate explicabit Pietatem, quæ in mente Tua ardet per contem-  
plationem, sapientiam, religionem, sanctimoniam, feruorem de-  
uotionis, insuper vitam ab omni macula vacuum: vt Te tanquam  
hominem cælitus delapsum Filij suspiciant, venerentur, Tuis moni-  
tis, saluberrimis documentis, & viuus inducti exemplis, vitæ Religi-  
osæ, & pietatis exercitia alacriter arripiant. Felicem S. Montis Car-  
meli locum, enituit superioribus annis in eo candidissimum Carme-  
litici candoris Liliū, Reñ. P. F. Dominicus à Sanctissima Trinitate.  
P. G. & è candido virtutum sinu exeruit aureos apices sapientiæ,  
præstantiam honoris coronantes: ita nunc resplendet globus cæle-  
sti refertus igne adinstar æstuantis solis, Reuerendissima Paternitas  
Vestra, dum ab auge Carmeli, descendit ad Perigæum, ac nostras Se-  
ptentrionales illustrauit Regiones. Globus ignitus natiuus fertur  
super tumescentes aquarum fluctus: ita Tu vt verus Eliæ successor,  
in spiritu & virtute Eliæ, frigidæ calefacis aquas, & efficis clariores.  
Solem Te lucidissimū omnes Professores agnoscimus, dum è Cælo  
Thomistico euocatam Sapientiam, etiam ad nostram Almam Vni-  
uersitatem Crac. Iagieloncam, tanquam Hospitam optatissimam in-  
duxisti, quam veneramur, eiq; mentes nostras subiicimus Patrem  
Te benignissimum omnes Filij tui deprædicant, & hoc in votis ha-  
bent ardentissimis, vt Troica sæcula, & Euboici annos transcendas  
pulueris.



pulueris. Pater es, & rigor tibi paternus, non tyrannicus, foues, & corripiendo, te exhibes patrem, non verborum verbera, sed gratiæ, vt Matres vbera, producis viscera, non opprimis, sed erigis, & si quod congelatum vides pectus, clementiâ, quæ coniunctam habet maiestatem, & autoritatē, tanquā igne succendis. Quæ cū ita sint, REVERENDISSIME GENERALIS gaude, & frui Tuο isto tam excellenti bono, Te nempe eum esse, qui Stagyritam perspicaciâ, Platonem copiâ, Socratem integritate superas, & si licuerit profanis sacros adiungere Antesignanos, Tu Moysen mansuetudine, Heliam zelo, Hieronymum peregrinatione, Aquinatem, vitâ actiuâ, & speculatiuâ repræsentas. Tibi itaq; Archangelo Religiosorum (quod nomen Fulbertus Abbati Monachorum Odiloni attribuit) magno Hospiti, & Cōmuni omnium Philomusorum Præceptori, hunc Panegyricum dedico. Philanthropion chartaceum, & humile est, si id spectaueris ex Tuâ dignitate, quæ maiora exposcit, nihilominus propensum animum si expenderis, magnū iudicabis. Faxit Omnipotens Deus, cuius hîc virtutes non exquisito penicillo, aut erudito Homeri stylo adumbrare conabar, vt & Munus hoc Apostolicum felix sustineas, & viuas diuturnus Dixi.

## ODE GRATVLATORIA

*In Quâ*

Eximias defert Virtutes Fama per orbem.

**F**ama pennatis citior quadrigis,  
Ocyor Zebra, Geticâq; canna,  
Ocyor nimbis, rapido fluento,  
Ocyor Euro.

*Ceterior Zebra, est Pro-  
uerbium Lusitanorum,  
hoc animal reperitur  
in Pamba Prouincia  
Regni Congiani.*

Ocyor Pardis, Onagris, Leanis,  
Surge gemmatis redimita sertis,  
Linque ventorum tenebrosa regna,  
Linque Triones.

Perge quâ summi peramœna cali  
Templa formosa decorat Phaneta  
Luce iucundus, vel ubi sereno  
Aspicit ora

Ignibus tostos populos, vel Indos,  
Dum nouo semper radio salutat,

*E, diem*



Et diem mundo reuocat corusco  
Crine nitentem.

Perge quâ Persæ, Garamantes, atrî  
Imperant Mauri, facibusq; solis  
Hesperî clarent, & ubi quiescit  
Potor Enipei.

Perge quâ tellus opulenta flore  
Chryseo turget, cidari decora  
Grandinans spicas, zephyroq; leni  
Tollit aristas.

Et procellosi vada ceca Nerêi  
Per coronatum viridante littus  
Flore procidunt, iaciuntq; cornu  
Vbere baccas.

Dic sub occasu positis Iberis,  
Quiq; bacchantes patiuntur vrsa  
Igneos ictus, gelido vel imbre  
Terga supinant.

Lucifer vel quos nitidus Pyropo,  
Visit infanti radio, diemq;  
Fulgidi Phæbi rutilo micantem  
Crine repetit.

Gemmeo currum moderare loro,  
Solis alatas age dic, quadrigas  
Scande, contrecta placido serena  
Astra lupato.

Nobilis tanta Probitatis ingens  
Præmium, claros Sophiæ nitores  
Omnibus narra, decori erudito  
Erige lauros.

In Magistratu Tibi lenitudo  
Est comes semper benè temperata,  
Te decor cingit Pictatis almus

Septus honore.  
Martium pectus retines PHILIPPE,  
Cum premis sortem, tumidosq; fastus  
Spernis, haud mirum, quid enim PHILIPPVS  
Denotat? an non

In graui certamine BELLICOSVM:  
Iure te dicam merito valentem  
Herculem, calcas peracerba cuncta  
Pectore lato.

Splendidas Vrbi probitate, sicut  
Cynthius, quando face lustrat astra,



Et foues ignes, quid enim est PHILIPPVS?  
Lampadis os est.

O dies albo numera lapillo  
Hospes, ô summâ celebrande laude,  
Sæcla transcendæ Euboicæ Sibyllæ,  
Tempus, & annos.

Prodigus laudes Tibi mittat Hermus  
Aurifer Tartessiacts ab undis,  
Deferat nomen super astra dulce  
Celsus Olympus.

Donet annorum seriem seuera  
Turma Parcarum, nitidumq; vultum  
Præbeat, ducant benè feriata  
Stamina vitæ.

Me foue posco placido, ac sereno  
( Quo soles Diuos recreare ) amore,  
Quoq; fulgentis superabis olim  
Climata mundi.



## EPÆNON GRATVLATORIVM. REVERENDISSIMO

**E** Rige docte caput Parnasse, vocaq; Camœnas,  
Vt pangant laudes, Amplaq; dona ferant.  
Hic est cultor Aris Totelis mysteria pandens  
Abdita, sacratæ Relligionis apex.  
Angelici Schola Doctor Is deprædicat alma  
Nobile mentis opus, dulceq; Theologis.  
Hûc sacer Historic colit, Hydrographus veneratur,  
Et qui telluris lustrat In orbe plagas.  
Et qui designat iam Lustris posthuma fasta,  
Nominis æternū tollit In astra decus.  
Venerunt Musæ, gratū Pæana dedere :  
Viuat in orbe diu Pater hic, virtutis imago,  
Lux Sophiæ, Phæbicorculū, Ocellus, amor.  
Astrææ SANCTOR, clarISSIMus artis Amator,  
TRISTe Nihil TAngat, TEmpora læta trahat  
Præposito Generali FF. Carmel: Discal: &c.

OS)(X)(SO

J. J. J. J.



Biblioteka Jagiellońska



stdr0016878



